

佛說阿難七夢經

東晉西域沙門竺曇無蘭譯



南無本師釋迦牟尼佛

說明

本繁體校正版《佛說阿難七夢經》電子書，根據《乾隆大藏經》小乘單譯經，第 0714 部，東晉西域沙門竺曇無蘭譯《佛說阿難七夢經》影印本校正，句讀僅供參考。

本電子書是免費結緣品，特此說明。

仁慧草堂

二〇一九年一月



掃碼關注仁慧草堂微信公眾號

●起誦儀

香讚

(一編)

爐香乍爇. 法界蒙薰. 諸佛海會悉遙聞. 隨處結
祥雲. 誠意方殷. 諸佛現全身.

南無香雲蓋菩薩摩訶薩 (合掌三稱)

淨口業真言

(三編)

唵. 修唎. 修唎. 摩訶修唎. 修修唎. 薩婆訶.

淨三業真言

(三編)

唵. 娑嚩. 娑嚩秫馱. 娑嚩達摩娑嚩. 娑嚩秫度憾.

安土地真言

(三編)

南無三滿多. 母馱喃. 唵. 度嚕度嚕. 地尾. 娑婆訶

普供養真言

(三編)

唵. 誚誚曩. 三婆嚩. 禡日囉斛.

南無本師釋迦牟尼佛（合掌三稱）

開經偈

（一編）

無上甚深微妙法 百千萬劫難遭遇
我今見聞得受持 願解如來真實義

佛說阿難七夢經¹

東晉西域沙門竺曇無蘭譯²

阿難在舍衛國，有七種夢，來問於佛：

一者、夢陂³池火燄⁴滔天；二者、夢日月沒，
星宿亦沒；三者、夢出家比丘，轉在於不淨坑塹
之中，在家白衣登頭而出；四者、夢群猪來舐突⁵
栴檀林⁶；五者、夢頭戴須彌山，不以為重；六
者、夢大象棄小象；七者、夢師子王名華薩⁷，
頭上有七毫毛，在地而死，一切禽獸，見故怖畏，
後見身中蟲出，然後食之。

以此惡夢，來問於佛。

佛時在舍衛國普會講堂上，與波斯匿王說法：
苦、集⁸、滅、得道為樂，見阿難憂色愁苦叵言，
佛告阿難：「汝於夢者，皆為當來五濁惡世，不
損汝也，何為憂色？」

「第一夢：陂池火燄⁹滔天者。當來比丘，
善心轉少，惡逆熾盛，共相殺害，不可稱計。

¹ 大正藏：佛說阿難七夢經

² 大正藏：東晉天竺三藏竺曇無蘭譯

³ 大正藏：陂；永樂北藏及龍藏：夢陂

⁴ 大正藏：炎

⁵ 大正藏：揆

⁶ 大正藏：栴檀林怪之；永樂北藏及龍藏：栴檀林

⁷ 大正藏：撒

⁸ 大正藏：習

⁹ 大正藏：炎

「第二夢¹⁰：日月沒，星宿亦沒。佛泥洹後，一切聲聞隨佛泥洹不在世，眾生眼滅。

「第三夢：出家比丘，轉在於不淨坑壟之中；在家白衣，登頭出者。當來比丘，懷毒嫉妬，至相殺害，道士斬頭，白衣視之，諫訶不從，死入地獄；白衣精進，死生天上。

「第四夢者：群猪來舐突¹¹梅檀林¹²者。當來白衣，來入塔寺，誹謗眾僧，求其長短，破塔害僧。

「第五夢者：頭戴須彌山，不以為重者。佛泥洹後，阿難當為千阿羅漢出經之師，一句不忘，受悟亦多，不以為重。

「第六夢者：大象棄小象。將來邪見熾盛，壞我佛法，有德之人，皆隱不現。

「第七夢：師子死者。佛泥洹後一千四百七十歲中¹³，諸¹⁴弟子修德之心，一切惡魔不得擾¹⁵亂；七毫者，七百歲後事。」

佛說阿難七夢經¹⁶

¹⁰ 大正藏：夢者；永樂北藏及龍藏：夢者

¹¹ 大正藏：揆

¹² 大正藏：梅檀林怪之；永樂北藏及龍藏：梅檀林

¹³ 大正藏：岁；永樂北藏及龍藏：岁中

¹⁴ 大正藏：我諸；永樂北藏及龍藏：諸

¹⁵ 大正藏：擾

¹⁶ 大正藏：佛說阿難七夢經

● 結誦儀

補闕真言

(三編)

南無喝囉怛那. 哆囉夜耶. 佉囉佉囉. 俱住俱住.
摩囉摩囉. 虎囉. 吽. 賀賀. 蘇怛那. 吽. 潑抹拏. 娑
婆訶.

補闕圓滿真言

(三編)

唵. 呼嚧呼嚧. 社曳穆契. 莎訶

普回向真言

(三編)

唵. 娑麼囉. 娑麼囉. 弭麼曩. 薩嚩訶. 摩訶斫迦囉
嚩吽

南無佛 南無法 南無僧 (合掌三稱)

南無本師釋迦牟尼佛 (合掌三稱)

南無觀世音菩薩摩訶薩 (合掌三稱)

南無護法諸天菩薩 (合掌三稱)

禮佛發願文

(一編)

歸命十方調御師 演揚清淨微妙法
三乘四果解脫僧 願賜慈悲哀攝受

但(某甲)自違真性，枉入迷流。隨生死以飄沉，逐色聲而貪染。十纏十使，積成有漏之因；六根六塵，妄作無邊之罪。迷淪苦海，深溺邪途。著我耽人，舉枉措直。累生業障，一切愆尤。仰三寶以慈悲，瀝一心而懺悔。

所願能仁拯拔，善友提攜。出煩惱之深源，到菩提之彼岸。此世福基命位，各願昌隆；來生智種靈苗，同希增秀。生逢中國，長遇明師。正信出家，童真入道。六根通利，三業純和。不染世緣，常修梵行。執持禁戒，塵業不侵。嚴護威儀，蝸飛無損。不逢八難，不缺四緣。般若智以現前，菩提心而不退。修習正法，了悟大乘。開六度之行門，越三祇之劫海。建法幢於處處，破疑網於重重。降伏眾魔，紹隆三寶。承事十方諸佛，無有疲勞。修學一切法門，悉皆通達。廣作福慧，普利塵沙。得六種之神通，圓一生之佛果。然後不捨法界，遍入塵勞。等觀音之慈心，行普

賢之願海。他方此界，逐類隨形。應現色身，演揚妙法。泥犁苦趣，餓鬼道中，或放大光明，或現諸神變，其有見我相，乃至聞我名，皆發菩提心，永出輪迴苦。火鑊冰河之地，變作香林；飲銅食鐵之徒，化生淨土。披毛戴角，負債含怨，盡罷辛酸，咸霑利樂。疾疫世而現為藥草，救療沉疴；饑饉時而化作稻粱，濟諸貧餒。但有利益，無不興崇。次期累世冤親，現存眷屬，出四生之汨沒，捨萬劫之愛纏。等與含生，齊成佛道。虛空有盡，我願無窮。情與無情，同圓種智。

迴向偈

(一編)

願以此功德 普及於一切
我等與眾生 皆共成佛道

三皈依

(一編)

自皈依佛，當願眾生，體解大道，發無上心；
自皈依法，當願眾生，深入經藏，智慧如海；
自皈依僧，當願眾生，統理大眾，一切無礙。和南聖眾。

南无护法韦驮尊天菩萨



此咒置經書中可滅誤跨之罪